

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94 i 8/95), u vezi sa članom 20. stav 1. alineja 5. Zakona o privatizaciji preduzeća ("Službene novine Federacije BiH", br. 27/97 i 8/99), i članom 2. Zakona o utvrđivanju i ostvarivanju potraživanja građana u postupku privatizacije ("Službene novine Federacije BiH", br. 27/97 i 8/99), Vlada Federacije Bosne i Hercegovine, donosi

## **ODLUKU**

### **O UKUPNOM IZNOSU POTRAŽIVANJA GRAĐANA PO OSNOVU OSTVARENIH A NEISPLAĆENIH PLAĆA PRIPADNIKA ARMIIJE RBiH, HRVATSKOG VIJEĆA OBRANE I POLICIJE**

#### **I**

Potraživanja po osnovu ostvarenih, a neisplaćenih plaća pripadnika Armije RBiH, Hrvatskog vijeća obrane i Policije, koja će se realizirati u postupku privatizacije u Federaciji Bosne i Hercegovine, utvrđuju se u ukupnom iznosu od 7.700.000.000 konvertibilnih maraka (u daljem tekstu: KM) (sedam milijardi sedamsto miliona KM).

#### **II**

Iznos od 7.000.000.000 KM iz tačke I dijeli se na slijedeći način:  
Armiji BiH i Policiji pripada iznos od 5.320.000.000 KM ili 76%,  
Hrvatskom vijeću obrane pripada iznos 1.680.000.000 KM ili 24%.  
Dodatni iznos od 700.000.000 KM iz tačke I dijeli se na slijedeći način:  
Armiji BiH i Policiji pripada iznos od 350.000.000 KM ili 50%,  
Hrvatskom vijeću obrane pripada iznos 350.000.000 KM ili 50%.

#### **III**

Federalno ministarstvo odbrane - Federalno ministarstvo obrane dužno je, u roku od 10 dana od dana stupanja na snagu ove odluke, utvrditi pojedinačna potraživanja iz tačke II ove odluke i dostaviti Zavodu za platni promet Federacije Bosne i Hercegovine nalog za upis potraživanja na Jedinstveni račun građanina.

#### **IV**

Za provedbu ove odluke zadužuje se Agencija za privatizaciju u Federaciji Bosne i Hercegovine.

#### **V**

Danom stupanja na snagu ove odluke prestaje da važi Odluka o ukupnom iznosu potraživanja građana po osnovu ostvarenih a neisplaćenih plaća pripadnika Armije RBiH, Hrvatskog vijeća obrane i Policije ("Službene novine Federacije BiH", broj 9/99).

## VI

Ova odluka stupa na snagu danom objavljivanja u “Službenim novinama Federacije BiH”.